

## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

§. 1. Dei ars est, contraria è contrarijs elicere.

**urn:nbn:de:hbz:466:1-45653**

## C A P V T   X X I.

*Mirabile iudicium Dei, per simplicissimos, saepe efficientis,  
quod per sapientes sperari non potuisset.*

I.

Luc. 1. 71.

Ioan. 9. 6.

4. Reg. 2. 20.

Rom. 4. 17.

Strab. lib. 6.  
Matt. 19. 30.

On subuenit igitur tantum ijs diuina misericordia, quibus alij non subueniunt; aut qui aliunde deserti sunt, sed saepe etiam subuenit, per lupos, per certuos; aut si per homines, certe per illos, de quibus minimè sperauisses; sicut in contrarium saepe nocent, quos credidisses tibi profuturos, ut pro perca, quod dicitur, *scorpium capias*, & ex ipsa *vipera medicinam*, hoc est, *ex inimicis salutem*. Ars maior est, remedijs minoribus succurrere: maxima autem, si non tantum contraria contrarijs currentur, sed etiam ipsi artis præcepto contraria adhibeantur. Sic Seruator *expuens in terram fecit lutum ex sputo*, ad oculos cæci illuminandos, cum alioqui luto oculi excæcentur; nihil enim illis magis est contrarium. Sic cum nihil sit, quod aquas magis reddat amaras atq; impotabiles, quam sal (ut ex marinis aquis est manifestum, quas nemo potest bibere) tamen Elisæus eas, immisso in amaras aquas sale, dulces potabilésque effecit. Si artem sequi humanam, aut pharmacopolas voluisset imitari, saccharum inspersisset, mel infusisset, mulsum, non salem, indidisset. Habet ergo præcipuam admirationem diuinæ prouidentiæ illud coeleste iudicium, quo vocat ea quæ non sunt, tanquam ea quæ sunt; & vtitur ijs, qui sunt contemtibiles, in hominum oculis, ut eos confundat, qui sibi vindentur esse sapientes. Nam quemadmodum, apud Strabonem,

*Crotoniatarum postremus, reliquorū primus est*, ita saepe apud Deum,

*primi sunt nouissimi, & nouissimi primi.*

I I.

In quam rem *VVido Abbas Cisterciensis, postea Cardinalis, Cæsarius cum missus esset Colonia, ad electionem confirmandam, quæ facta fuerat lib. 6. cap. 2. contra Philippum in Othonem, retulit ibidem, quandam sanctæ simplicitatis historiam satis incundam, satisq; mirabilem.* Dicebat enim, Cisterciensis ordinis domum quampiam, in ditione sitam Nobilis, sed Deum ac diuina non curantis viri. Is, cui ius & vis idem erat, cœnobium multis miseris vexabat modis; per præfectos ac ministros reliquos, de annona, de vino, de pecoribus Monasterij,